



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-1-40-401-2/21**
Datum: **27.09.2021. godine**

«Agencija za vodno područje rijeke Save» Sarajevo rješavajući po zahtjevu IZETA KAČAPORA iz Tuzle, zastupan po opunomoćeniku advokatu Elvedini Saburović iz Tuzle za izdavanje prethodne vodne saglasnosti za ispuštanje tehnoloških otpadnih voda sa lokacije stambeno-poslovnog objekta čija je namjena proizvodnja PVC stolarije na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99),
donosi

R J E Š E N J E

1. Odbija se zahtjev IZETA KAČAPORA iz Tuzle za izdavanje prethodne vodne saglasnosti za ispuštanje tehnoloških otpadnih voda sa lokaliteta stambeno-poslovnog objekta čija je namjena proizvodnja PVC stolarije na zemljištu označenom kao k.č. broj: 1396/4, 1396/1 i 1402/2 K.O. Plane, Grad Tuzla s obzirom da za predmetnu aktivnost nije propisana obaveza pribavljanja vodnih akata od strane ove Agencije.

O b r a z l o ž e n j e

Opunomoćenik advokat Elvedina Saburović iz Tuzle se u ime Investitora IZETA KAČAPORA iz Tuzle obratila zahtjevom bez broja dana 02.09.2021. godine za izdavanje prethodne vodne saglasnosti za aktivnost ispuštanja tehnoloških otpadnih voda sa lokaliteta stambeno-poslovnog objekta čija je namjena proizvodnja PVC stolarije na zemljištu označenom kao k.č. broj: 1396/4, 1396/1 i 1402/2 K.O. Plane, Grad Tuzla.

U provedenom postupku dostavljena je i pregledana sljedeća dokumentacija:

- Ovjerena kopija lične karte;
- Ovjerena kopija zemljišnoknjižnog izvotka broj: 4117/21, zk uložak broj: 877 od 12.04.2021. godine izdat od Općinski sud u Tuzli;
- Ovjerena kopija zemljišnoknjižnog izvotka broj: 4116/21, zk uložak broj: 876 od 12.04.2021. godine izdat od Općinski sud u Tuzli;
- Ovjerena kopija zemljišnoknjižnog izvotka broj: 4119/21, zk uložak broj: 1271 od 12.04.2021. godine izdat od Općinski sud u Tuzli;
- Ovjerena kopija katastarskog plana, razmjera 1:2500, UR broj: 07-27-6789/2021-3 od 11.08.2021. godina izdat od Općinske službe za geodetske i imovinsko-pravne poslove, Grad Tuzla;
- Ovjerena kopija posjedovnog lista broj: 2166, broj: 07-27-6789/21-2 od 11.08.2021. godine izdat od Službe za geodetske i imovinsko-pravne poslove Grad Tuzla;
- Kopija Saglasnosti za dobijanje prethodne vodne saglasnosti broj: 4945/21 od 18.08.2021. godine izdata od JKP „Vodovod i kanalizacija“ d.o.o., Tuzla;
- Obavještenje o podnesenom zahtjevu za izdavanje uvjerenja broj: 06/9-19-12377-2021 od 26.08.2021. godine izdato od Službe za prostorno uređenje i zaštitu okoline, Grad Tuzla;
- Dokaz o uplaćenju administrativnoj upravnoj pristojbi.
- Studija u postupku pribavljanja prethodne vodne saglasnosti za potrebe stambeno poslovnog objekta, broj: I-230-08/21, avgust 2021. godine urađena od strane „Atrius projekt“ d.o.o., Živinice.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dokumentacije dostavljene uz zahtjev utvrđeno je slijedeće:

- Predmetni objekat će se nalaziti na parceli označenoj kao k.č. broj: 1396/4, 1396/1 i 1402/2 K.O. Plane, Grad Tuzla
- Osnovna namjena planiranog poslovnog objekta je proizvodnja PVC stolarije.
- Proces proizvodnje PVC stolarije odvijat će se u savremenom prodajno-proizvodnom objektu. U toku procesa rada u proizvodno-poslovnom objektu može doći do manjeg ili većeg onečišćenja unutrašnjeg radnog prostora, Održavanje čistoće objekta, unutarnjeg dijela vrši se suhim postupkom.
- Stambeno-poslovni objekat će biti moguće priključiti na vodovodnu mrežu.
- Na predmetnoj lokaciji nema izgrađene kanalizacione mreže te će se sve fekalne vode odvoditi u vodonepropusnu septičku jamu.
- Predmetni objekat se ne nalazi u zoni sanitarne zaštite izvorišta i drugih vodnih objekata.
- Od predmetne parcele Dolinski potok je udaljen cca 6,00m.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

Po ovlaštenju
Rukovodilac sektora za zdavanje vodnih akata


Haris Ališehović, dipl.inž.građ.

Dostaviti:

- Opunomoćenik Advokat Elvedina Saburović
Ul.ZAVNOBiH-a do broja 7., Tuzla
- Izet Kačapor
Ul. Brgule 87., Tuzla
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava